

晉溪本兵敷奏

甘肅者甘州肅州也甘州在漢為張掖郡置金城屬國以處蠻夷降者宋為西夏所據

國朝置甘州五衛後命將鎮守肅州漢初為匈奴昆邪王地後降漢置酒泉郡隔絕匈奴與羌酋通路宋為西夏所據

國朝洪武二十四年開設肅州衛後命將分守甘肅在黃河之西故又曰河西禦戎得失莫詳於漢史而屯田便宜莫善於趙克國可以為萬

世法者也哈密人在肅州之西千里許永樂間封西夷酋長為忠順王賜以金印令居哈密羈縻西域諸夷通貢往來弘治五年忠順王陝巴為土魯番擄去哈密城失守

命侍郎張海往經畧之海至彼上言西夷不可征來則撫之叛則拒之而已

朝廷用其策事果寧息弘治十一年土魯番送回陝巴復立卒子速壇拜牙即襲封正德八年棄國走入土魯番土魯番人據哈密遣書欲寇肅州因而要求厚賞廷議差官整兵以待所求

賞賜事出無名不可輕與不意奉使者欲邀近
功遣哈密都督寫亦虎仙等齎幣二千直造虜
庭講和更許增幣取回金印虎仙等未回而奉
使者已還朝不得如約遂啓土魯番侵犯肅州
之禍宋史云和在彼則和可父和在我則和易
破豈不信哉易曰差之毫釐謬以千里其斯之
謂歟今欲守甘肅之地得便宜之術舍趙克國
吾未見其可矣

為遣夷屬歸故土以嚴夷夏之防事

看得巡按御史馮時雍奏稱甘州等處寄住羗夷數

多歷稱其害有伍要將各夷并寄住回舍發遣歸其
本域以塞狂悖及今後夷人進貢止許本夷并方物
入關有妻子者免其入貢不許擅買民間田土房屋
事發本夷遣發出境賣者軍問發烟瘴民邊衛各充
軍官調別邊衛帶俸差操等因援引故實反覆開陳
其意欲謹華夷之辯消未來之患誠為有見但恐官
司奉行未至此等夷人安土重遷激生他變係于夷
情難便定奪合無本部備咨總制都御史鄧璋會同
鎮守太監許宣巡撫甘肅都御史趙鑑巡按御史馮
時雍將前項所奏事情再行從長計處如果事可舉

行保無後患夷情順服邊境獲安就將應行事宜開
陳明白會本具奏以憑上請定奪正德十年閏四月
二十九日具題奉

聖旨是着總制及鎮巡等官從長議處了來說欽此
為速定寇亂早徹兵馬以安久困地方事

看得巡按陝西御史馮時雍奏稱土番之酋長尚爾
驕悍哈密之城印猶未歸復請罪之詞不聞於軍門
犯順之狀頗著於嘉峪遣使講好則大開其溝壑之
慾要我以難從之事乞要早為決策以平定賊番如
其不然地方之變故無形有非愚臣所能逆觀等因

果如御史馮時雍所奏則是地方事情尚未寧息與御史燕澄所奏意不相同但燕澄巡按陝西腹裏其意專為彭澤馮時雍巡按甘肅其意則為

朝廷倘臣等重違燕澄之論不恤馮時雍之言後有誤事罪難追迺且馮時雍所奏土魯番嘉峪犯順要我以難從之事必有指實恐非虛妄況見今虜賊在套擁衆侵犯鄧璋一人急難摘離而又使遙制甘肅之事未免兩相妨誤合無行令彭澤仍照原奉勅旨事寧之日具奏回京及節奉

聖旨彭澤待處置哈密事情停當行取回京以後本

官事寧回京果建奇功大加爵賞以酬其勞亦未為晚惟復仍照今奉

欽依取回哈密一應事宜都着鄧璋總理處置臣等俱未敢擅擬伏乞

聖明裁處正德十年閏四月二十九日具題奉

聖旨是彭澤已有勅取回一應事宜還着鄧璋照前旨總理處置欽此

為遠夷悔過獻還城印等事

看得總督軍務左都御史彭澤等各奏稱土魯番速壇滿速兒王等畏威悔過已將哈密金印城池交付

都督滿刺哈三寫亦虎仙收掌住守近搶赤斤印信亦已悔還頭目火者他只丁取回土魯番去訖虜寇阿尔禿廝先遁出境亦卜刺下一枝部落一半往迤西亦郎骨一半往迤南烏思藏去訖及稱速壇拜牙郎尚在把巴义慶為伊弟兄不和未經送出必須量給賞物令伊自分族衆以相和輯事乃就緒除行巡撫都御史趙鑑將原收見在段疋等物量為增給責付通事馬驥等前去分給賞犒速壇速兒王把巴义等并大小頭目寸取效順番文至日方將原捉獲回夷虎都阿力等發回仍要候送回速壇拜牙即至

日將速壇滿速兒王等一體賞賚差官押送賞賜前來交付都御史趙鑑會同鎮守總兵差人分投給賞仍請

勅諭令都督奄克李剌同心扶持速壇拜牙即照舊為忠順王惟復別有定奪一節除亦卜刺殘賊近已南入川境本部已經題奉欽依着總制都御史督同各該鎮巡總兵及副叅等官預先加意防守有警調兵勦殺別無定奪外其稱哈密金印城池已復見令都督滿剌哈三等住守具見各官奉揚上命經畧勤勞但徒有城印無人主管名聲雖若効

順弛張猶繫土番今彼處鎮巡等官雖已增添賞賜
差人前去分給若速壇滿速兒果能革心悔過即便
送出有何不可但恐繒帛徒入於穹廬而忠順王終
無下落合無本部移咨總制都御史鄧璋會同甘肅
鎮守太監總兵官巡撫都御史從長計處姑候通事
馬驥等回日果土魯番悔禍畏威將忠順王送回如
弘治年間阿黑麻送出陝巴到甘州事例別無變詐
等情依擬一面將原捉獲回夷虎都阿力等發回一
面星馳具奏以憑議擬上請賞賚若萬一夷情尚有
變動亦聽鄧璋等計處會奏定奪務要萬全停當保

無後艱及稱欲請

勅令都督奄克孛剌等同心協力扶持速壇拜牙即
照舊為忠順王共守國土惟復別有定奪一節切緣
此等處置候速壇拜牙即送回至日方可議處施行
正德十年六月十三日具題奉

聖旨是這遠夷悔過獻還哈密城印總督總制鎮巡
等官調度經畫勞勩可嘉還着總制鄧璋會同鎮巡
官先將有勞人員量為犒勞仍責令原差通事前云
撫諭速壇滿速兒把巴义等令將速壇拜牙即送還
本城至日將他每功績并賞賚各夷等項事宜一併

來說欽此

為處置夷情以圖久安事

看得巡按陝西御史馮時雍奏稱土魯番酋長速壇
滿速兒頭目火者他只丁棄天叛道趨利背恩乃者
守臣具奏

朝廷採之群議

命將出師相機行事以徐養爾番賊顧不悔罪効順乃
敢率衆內侵赤斤之印雖還而護送之使未發其情
狡詐未易測知乞要本部集議上以求古之道下以
酌今之宜遠如建武之閉關近如我

朝之絕貢使中國自為中國土番自為土番彼雖包藏邪心而自不得萌因襲故智而自不得售等因蓋欲棄遠夷以省軍費誠為有見但見今

朝廷責差總制大臣在彼經畧哈密之城印初復土番之悔過方萌正向背未定之時亦事勢難期之際且所奏夷情與總督都御史彭澤等會奏事理多有不同干係事體重大本部難擅定擬合無本部移咨總制都御史鄧璋會同甘肅鎮守太監許宣總兵官徐謙巡撫都御史趙鑑巡按御史馮時雍從長計議姑候差去通事至日有無送回忠順王及探聽夷情

的確相應作何處置從長區畫會奏前來以憑集議
上請定奪正德十年六月十九日具題奉
聖旨是這事情還着總制官會同鎮巡等官議處了
來說欽此

為虜中走回人口供報緊急聲息事

看得總制陝西軍務右都御史鄧璋據總兵官徐謙
等報稱大勢達賊亦卜刺賊衆先過黃河遞往四川
松潘今又回至洮州地方搶殺番族逼近洮州僅二
百里其甘肅又報亦卜刺衆把巴歹糾合衆賊七克
力等要來肅州搶掠訪得前賊因我調兵征勦又見

小王子在套慮恐尋殺遂過黃河南走四川松潘今
又回至洮州地方把巴歹數年以來仍在赤斤苦峪
又與野賊也克力等以親連合赤斤每被擾害番夷
不得安生及照赤斤苦峪乃

朝廷內屬之地為甘肅藩籬之倚今以把巴歹之窮
寇兼與也克力之強戎同心合謀以衆暴寡赤斤苦
峪勢必脅從甘肅一鎮豈能萬全況今將冬不久河
東亦卜剌達子一枝賊衆不在歸德洮河必復西寧
涼永與伊叔把巴歹彼此牽制兩路侵凌將見甘肅
危急臣即欲前去甘肅并洮河地方往來督調奈延

寧環固見被大虜壓境不時深入決難擅離顧彼失此等因臣等查得前項甘肅事情雖經本部節次議奏奉有

欽依哈密一應事宜都着鄧璋總理處置今詳鄧璋所奏大虜壓境決難擅離之言倘後失事不惟本官得以為辭抑且公論難以獨責鄧璋一人及照甘肅鎮巡等官總兵官都督同知徐謙等明知前項亦卜刺弟把巴歹也克力等擾害地方係干本鎮重大夷情自合星馳具奏却乃隱蔽不奏轉行總制官員照詳其意惟欲無事得以僥倖有事推諉鄧璋迹其姦

欺深為可惡合無本部鋪馬齎文交與新任巡撫甘肅都御史李昆會同鎮守總兵官徐謙等將前項所奏夷情用心計處嚴謹隄防一應戰守事宜既是鄧璋不得摘離前去悉聽各官相機行事可戰則戰可守則守務使地方安靜保無他虞應具奏者依律徑直奏聞區處敢有似前隱蔽推託貽患地方從重究治決難輕縱本部仍咨都察院轉行彼處巡按御史查勘前項所奏甘肅夷情有無緩急明白具奏并查甘肅鎮巡等官如有隱蔽失機擅開邊釁等項情由亦就指實劾奏施行正德十年八月二十八日具題奉

聖旨是甘肅地方一應事宜便行文與李昆徐謙着相機行事隨宜戰守有應奏請者上緊奏來區處其夷情緩急并鎮巡等官有無隱蔽失機等項情由着巡按御史查實了來說欽此

為乞恩奏討叅隨人員以便差遣事

照得各處鎮守太監隨帶頭目五名係是舊例近該鎮守河南等處太監吳章杜甫廖鑾雖各奏帶人多俱奉

欽依有廩給口糧的止註司五名仰窺

聖明無非遵守舊例之立思今鎮守甘肅許宣先任分

守涼州奏帶錦衣衛官旗舍人一十二員名今鎮守
甘肅又奏帶錦衣衛官旗三十七員名前後共奏帶
官旗四十九員名比例太多況又不開數內支與廩
給口糧幾名難以施行合無比照吳景等事例定與
支廩給口糧官旗五員名其餘多帶官旗伏乞
聖明量加裁減以免後來鎮守官員一槩比例多帶
有壞舊例正德十年十月二十二日具題奉
聖旨叅隨人照前旨帶去欽此

為虜中走回人口供報緊急聲息事

議得甘肅一鎮孤懸西北哈密赤斤苦峪等夷皆內

附中國為我藩籬近年為因哈密忠順王被土魯番
拘留西寧等處地方又被阿爾禿斯等賊侵擾巡撫
都御史趙鑑具題科道交章論奏

朝廷慮恐肅州不守有失故地關係非輕先將侍郎
鄧璋自江西取回陞右都御史總制隨

命左都御史彭澤總督軍務專一整理甘肅地方哈
密等項夷情又將巡撫陝西都御史馮清陞戶部右
侍郎專一督理甘肅糧餉又添設郎中張鍵專在蘭
州糴糧轉運其為甘肅地方計慮可謂深遠矣今各
項官員俱各取回趙鑑熟知甘肅事情屯田得法又

改南京都察院管事近有甘肅差來舍人王昇九月
十六日在彼起程說稱趙鑑已來蘭州李昆尚未到
彼臣等竊詳各官所奏甘肅夷情不寧似不減於去
年而差官處置大不同於前日萬一果如所奏土魯
番夷交結把巴歹脅從赤斤苦峪等夷侵犯肅州加
以西寧一帶番夷搶掠道路不通餽運不繼我軍力
不能支地方因而失陷被其盤據誠非細故合無本
部行文就令差來人齎回交與巡撫都御史李昆會
同鎮守太監許宣總兵官徐謙等整搦軍馬嚴謹防
禦遇賊入境侵犯相機截殺毋隨賊計如不來犯揚

威固守亦不必遠出尋殺啓惹釁端逼迫反噬惟以
保固封疆為重不以窮追遠討為功若果各夷糾合
勢衆窺伺鎮城一面星馳具奏一面會行副總兵鄭
卿量調人馬應援截殺若再勢衆再行寧夏鎮巡官
量調精銳官軍就委副總兵周誠統領前赴甘肅策
應若遇寧夏河州有警斟酌調發本部仍行寧夏鎮
巡等官預議選撥聽調及行副總兵鄭卿將原調領
附邊衛所漢土官兵民快嚴加操練修置軍火器械
與甘肅官軍聲勢聯絡相機戰守一遇甘肅鎮巡官
行文約會火速領兵前去策應如賊勢循常不得輕

易調發再咨戶部轉行巡撫陝西都御史蕭翀嚴督
布按二司守巡管糧官起運甘肅糧草上緊儲運完
納及將調兵經過駐劄地方合用糧草整理預備毋
致缺乏前項各該地方官員應有防邊事宜但係原
奉勅內該載及節次奏准施行者徑自遵奉施行
不必作疑展轉推託耽誤事體重大者星馳具奏定
奪如有故違因循不理或處置乖方致成大患聽各
該巡按御史訪查的實効奏處置正德十年十一月
初四日具題奉

聖旨是這防禦應援儲運等項事宜各依擬行欽此

為西番出沒兇惡射斃傷死官軍事

看得巡撫甘肅都御史趙鑑總兵官徐謙太監許宣
會舉具奏西寧控制申藏隆奔等一十三簇土番天
順年間總兵官衛穎等統領大兵剿殺之後四十餘
年不敢犯界弘治年来生齒日繁繼踵為患正德九
年因思冬沙等族西番縱肆兇頑敵傷官兵節蒙總
督總制都御史彭澤鄧璋各行總兵官徐謙統兵撫
追仍前執迷不聽時常上路搶劫傷人又奉都御史
彭澤鄧璋明文撫諭而各番公然恬然不悛先殺死
百戶王朝復又殺死千戶嚴璽吳成等大肆悖逆愈

甚於前公差商旅屯居人等不得安生道路不通從
宜行令右副總兵柳湧等選調各路官軍共六千員
名刻期會合取路前去撫督族頭將為惡正賊挨捕
總兵官徐謙量統甘州馬步官軍一千五百員名復
去涼莊駐劄防守若各番拒逆傷我人馬勢難再容
相機剿捕待事寧兵回另行具奏一節既該鎮巡等
官會同計議調兵撫剿事已施行別難定奪但照前
項西番為患已久總督都御史彭澤等在彼之時止
令撫諭不敢發兵蓋恐啓釁生事釀成大患今趙鑑
徐謙等調兵六千前去剿捕固非得已但恐勝負難

料致生他虞合無本部鋪馬賞文交與接管巡撫都御史李昆等查照前項夷情除已寧息外若尚未寧務要用心籌度相機戰守計出萬全事體重大星馳具奏定奪如或處置乖方啓釁誤事咎有所歸其奏稱千戶嚴璽吳成等陣亡有功合當優恤陞賞指揮等官黃欽等誤事合當有罪一節合無本部移咨都察院轉行巡按御史查勘明白陣亡有功者上緊具奏照例議擬陞賞旌表上請定奪有罪人犯就便提問依律議擬照例發落其奏稱原委操守古浪副千戶嚴璽陣亡暫委正千戶張斌前去操守本官練達

老成人心悅服乞要量加署職或復還舊職一節固
是激勸人心之意但千戶嚴璽等忠勇死事未蒙卹
典而張斌輒加陞職無以服人合無行移各官督令
張斌用心操守保安地方以後果立有功陞賞不悞
正德十年十一月初五日具題奉

聖旨是這相機戰守事宜依擬行陣亡有功人員着
巡按御史上緊查實奏來優卹陞賞黃欽等提了問
今地方用人之際張斌既人心悅服着鎮巡等官暫
加獎勵待有功之日准復舊職欽此

為慎選擢以重民兵事

議得先年本部題准三年一次差官閱視各邊軍馬城池正恐武備廢弛壅蔽不聞之意今巡按甘肅御史馮時雍查點得甘州左等衛軍馬消耗城堡坍塌軍器損失俱有實跡其經管官其論法俱當拏問革罷但各官中間歷任有淺深責任有輕重誤事者或已遷官去任見在者或係新任未久及照清勾軍役買補馬匹多由隔別官司整理人情艱難猝難完辦城堡軍器修理整飭必須動支官錢使用軍役亦恐非地方官員所敢專行今若將各官一槩提問誠恐勤惰不分無益於事所以御史馮時雍奏稱即今地

方多事兵革未息合無照例提問惟復量為罰治不
為無見合無將永昌臨兆莊涼四衛武備十分狼狽
官員本部移咨都察院轉行彼處巡按御史查勘原
任見在官員通行提問依律議擬照例發落遷官去
任者依律免問其甘肅左等衛指揮等官及分守兵
備守備等官合無通免提問內將各衛見在經該官
員重加罰治分守等項文武職官各量加罰治內有
遷官去任者亦各依律免罰其鎮守太監許宣總兵
官徐謙合無請

勅切責令其與接管巡撫都御史李昆同心戮力將

御史馮時雍查出廢弛事務逐一計議應脩舉者即行脩舉應具奏者奏請定奪毋得視為文具似前因循以致邊備日益廢弛咎有所歸其都御史趙鑑既已陞任亦合免究臣等俱未敢擅擬均乞

聖明裁處正德十一年二月二十日具題奉

聖旨是永昌等四衛原任見在官提了問甘州左等衛官各罰俸兩箇月分守守脩官饒這遭內文武職官還各罰俸一箇月遷官去任的罷許宣徐謙寫勅切責欽此

為被虜走回番婦供報聲息事

看得巡撫甘肅都御史李昆筭題稱亦卜刺達子所
領殘賊先至四川邊境後回北河今復至海西倒塘
地方住牧搶掠誠恐以後仍與把巴歹賊人馬相合
復為邊患欲請京營大軍及江寧固靖人馬策應恐
供給不敷愈致困敝要將甘肅臨河洮岷秦鞏平涼
等九衛該班備禦官軍九千七百二十一員名刻期
查發赴邊戰守一節查得先因剿殺亦卜刺等賊遠
調延寧人馬彼此兩失勞費無成今都御史李昆等
會議不欲徵調延寧之兵惟欲督發輪戍之卒懲戒
往轍深為有理合無本部移咨巡撫陝西都御史蕭

神嚴督該道守巡等官親詣各衛將經該失誤官員
通行提問革去見任仍照例監候軍馬到邊完日方
許發落一面選委能幹官員查點撥補管領赴邊中
間應該處置事情徑自從宜施行以後但有該班不
到及逃回情弊巡撫甘肅都御史徑行巡撫陝西都
御史查照督發如再似前違限不到數多指實叅奏
究問其巡撫陝西都御史蕭紳將今次查補督發過
軍數并起程日期提問選委過軍官職名回奏查考
不許遲緩失誤倘違重務正德十一年二月二十六
日具題奉

聖旨是這各衛該班官軍便着督發前去戰守原經
該失誤官提了問欽此

為遠夷悔過獻還城印等事

看得巡撫甘肅都御史李昆等奏稱欲將本國主守
城印事宜計處但寫亦虎仙等并先差官通貢使及
續差去土魯番送賞撫諭夷情火者馬黑木未曾回
還到關中間備細情由未得悉知輒難輕議等因及
看得譯出哈密夷人寫亦虎仙等稟帖說稱速壇滿
速兒調察力失人馬要來漢人地面被他每勸停止
及領去賞賜盡使用了將金印與了城池不與還要

段子一千五百疋伊等轉段疋馬牛羊隻往去贖取
及速壇滿速兒差進貢使臣二百人到哈密了等因
臣等竊詳先該總督左都御史彭澤及今都御史李
昆等所奏皆謂哈密城印俱已送歸火者他只丁亦
取回土魯番去訖及看今譯出哈密寫亦虎仙等稟
帖則謂止歸金印火者他只丁尚在哈密城居住要
段子一千五百疋馬牛羊隻贖取各奏不一未知孰
是即今速壇拜牙即未經撫出寫亦虎仙與原差官
通并續與土魯番送賞撫諭火者馬黑木未曾回還
到關以後撫處事情委難逆料輕議合無本部移咨

都御史李昆會同鎮守總兵等官照依原奉

欽依事理整搦人馬用心防守不可輕信隔亦虎仙

等所稟土番人馬被我勸止之言弛我邊備致墮賊

計仍候官通回還及隔亦虎仙等到關之日謹審哈

密國城有無歸還忠順王有無撫出緣由明白將主

守城印事情作急議處停當奏請定奪及看得見今

索要贖城段疋一節鎮巡等官不見具奏應否准與

緣由但恐隔亦虎仙與火者他只丁彼此交通往來

隱瞞實情假托土番要求重利事又不諧致生他虞

合無行令鎮巡等官從長議處停當查照先年事例

斟酌施行既不可嚴峻拒絕激變夷情亦不可示弱
輕許開啓弊端其土魯番果來効順進貢到邊之日
照依舊例放入加意撫待及嚴謹關防毋致踈虞正
德十一年三月二十五日具奏奉

聖旨是這撫處事宜便行文與鎮巡等官着依擬行
欽此

為夷情事

會官議得合無俯從甘肅鎮巡官所奏請

勅一道切責速壇滿速兒忘背恩德聽信他只丁之
言要求無厭但已獻還城印今姑不問量加寬賜令

其改過與把巴乂協和一心將速壇拜牙郎送回本
國先得賞賜量分與把巴乂以示協和之意再請
勅一道宣諭把巴乂爾既得蒙

朝廷賞賜即將速壇拜牙郎差人同去人送回本國
凡事照舊如各不協和仍不送回

朝廷別有處置悔難追及其合用織金彩段絹疋就
彼支給官錢量為措辦雖當稍從優厚亦不可過多
啓其將來復為搶奪要求厚賞之心及選差土魯番
進貢頭目同哈密都督頭目齎去土魯番仍至阿速
城開讀交領等項事宜務要處置停當毋致疎虞著

勅賞到彼將速壇拜牙郎送回即便奏請給與金印
照舊為王本國壞事女奴夷查奏處治若不送回就便
照依弘治七年事例閉關絕貢不許往來將先今差
來使臣遷徙南方邊衛收管亦即開具奏聞毋得猶
豫仍要整搦兵馬慎固封守遇有侵犯相機勦殺務
要防禦得宜不許輕忽誤事其復立忠順王事情另
行議處正德十一年五月初十日會同府部科道等
官具奏奉

聖旨恁每議的是這城印既已送還夷狄又不足深
究所據寫勅切責并宣諭賞賜等項事宜都依着行

欽此

為久戍遊兵廢墜申明精選復舊規專責任乞
恩頒賞蘇困用圖補報事

省得甘肅東路遊擊將軍武振奏稱亦卜刺并阿尔
禿斯達賊八千餘騎自徐家寨地方入寇臣領軍七
百餘騎迎敵死戰射打中賊數多衝撲三四十陣全
師無虞賊復遁去乞將該班遊兵官軍查照舊例量
加賞犒一節切照兵家之事以克敵制勝為全功不
以斬首多寡為勲蹟武振以寡敵眾致賊敗逃軍無
損傷若果是實功亦可嘉合無行移甘肅鎮巡官查

勘所奏如果是實將該班官軍量加賞犒武振具奏
定奪其奏要將無馬官軍於今歲西寧衛招番茶易
馬內照數給領騎操或給銀買補及於各衛庫歲造
盔甲弓矢查給各軍披執應用及查涼莊西寧官軍
內有更替不堪軟弱者行鎮巡官或巡按御史公同
精選務足原額依期更換涼莊累調畏懼未到備邊
官軍問擬如律等項事宜合無依其所奏本部轉行
巡茶御史查照撥給馬匹或給銀買補及行巡撫都
御史坐委按察司兵備等官公同武振查勘缺少軍
器依數關給軟弱不堪官軍精選補足涼莊脫班官

軍嚴加比較務令依期一班應問官員叅奏提問俱
要着實舉行不許虛應故事武振又奏要將山永原
選遊兵六百照舊督發與臣防禦西海緊急賊情其
西路原缺官軍別為議處撥補一節其意正與巡按
御史馮時雍前奏兵分赴弱要將新設遊擊革去之
意相合見行甘肅鎮巡官查勘未報合候勘報至日
具奏定奪再照甘肅地方為因亦卜刺并阿尔禿廝
賊衆連年擾害道路阻隔番漢不安今據武振之奏
顯是各賊猖獗未已鎮巡官未見號令防禦而新設
遊擊將軍芮寧訪未見照依原擬不拘地方前來西

寧與武振會合併力截殺萬一此賊大舉深入寇掠
各官自分彼此致有損失遺患地方關繫匪輕合無
本部行文都御史李昆等務要用心籌畫調度經理
簡閱士馬脩完器具申嚴號令振揚軍威遠近聯絡
彼此顧援務使亦卜刺等賊聞風畏避番夷安業屯
軍得耕戰守隨宜計出萬全斯稱委任如或統馭無
方玩愒時日將官欲有為者而不能自專偏裨欲推
姦者而幸得免罪人各為謀邊備懈弛日久患生咎
有所歸正德十一年五月二十日具題奉

聖旨是武振能以寡敵衆致賊敗逃着鎮巡官再行

查勘如果是實所部官軍准量加賞犒武振還奏來
定奪其餘事宜都依擬行欽此

為北虜納款隨宜處置防範事

看得巡撫甘肅都御史李昆等奏稱北虜把巴歹差
達使虎蘭等二十九人通到番文一紙帶白駝一隻
馬十四匹稱與三堂手信之禮欲便阻却恐失柔遠
之道除將達馬給軍騎操駝暫於餼養量支官錢買
辦段絹衣服羊酒等物宴犒防護各夷出境往牧隨
即分布官軍及行兵守等官各要緊棚兵馬嚴謹關
隘傳諭赤斤川邊柴城一帶番夷頭目互相探聽但

遇此虜變動或侵犯地方或衝突南去就便合兵阻截及飛報臣等相機擒勦誠恐此外或別有制馭遠圖擒擣長策乞要從長計議明示壹節切詳把巴歹納款効順自將駝馬禮物求見鎮巡等官委不可拒今都御史李昆等俯從接受量為給賞照例宴犒防護各夷出關又恐欲縱我師乘隙他圖轉行兵備等官嚴諄隄備計處已周別無制馭遠圖擒擣長策况甘肅極邊以後夷情本部難以遙度合無移咨都御史李昆會同太監總兵官用心整飭武備嚴謹烽堠來貢則勿拒以拂其心去遁則勿追以墮其計戒

諭各該番夷頭目嚴謹隄備共保封疆毋聽引誘自取滅亡正德十一年十月十四日具題奉

聖旨是這夷人効順事情鎮巡等官既隨宜處置停當恁所擬善後之策還行與他知道欽此

為增兵要害以禦番虜事

看得巡撫甘肅都御史李昆等奏稱鎮羌堡及岔口堡相去衛所竄遠按伏官軍勢孤力寡番賊不時劫奪殺傷要於莊浪涼州甘州三衛選撥官軍一千六百員名改調鎮羌堡備禦分為兩班一年一換設指揮行都指揮事一員專在鎮羌堡劄操守內撥三百

名調千戶二員承總領班於岔口堡按伏仍措給官
錢採打木料修蓋營房二百間官廳一所及於本堡
添設倉場官攢鑄降印記合用糧料草束於民運屯
田秋青草內量數改撥上納及訪得莊浪衛指揮同
知甘璽指揮僉事徐潮俱謀勇老成堪以本堡操守
千戶彭鑑孫璽俱堪承總等項情節蓋欲增兵要害
以禦番虜不為無見若果無碍未必無益但要分莊
浪等處官軍前來二堡防禦雖稱從宜量撥其在莊
浪等處官軍未免因分寡弱况事干創始修營撥糧
費財力恐難輕舉查得近年肅州西路添設遊擊將

軍內寧分撥永昌等衛官軍二千員名管領該巡按御史馮時雍奏稱不便本部覆奏行文李昆等勘得前項新添遊擊勢分力卑相應裁革今若又於莊浪涼州甘州三衛分撥官軍一千六百前去鎮羗岔口二堡防守亦又事體紛更人難遵守合無本部行移都御史李昆等從長計議如果鎮羗岔口二堡地方番賊不時出沒搶劫人財阻隔道路量調遊擊等官或就委指揮甘肅等量撥官軍統領按伏相機截殺候番賊知惧不敢出搶即便照舊不必分定數目歲以為常以存莊浪等衛之兵勢以省鎮羗岔口二堡

之勞費臣等又議得增兵積糧以備戰守最為有理但增設太多難為供給及分舊兵多列城堡雖似處處有備其實兵分勢弱難禦大敵查得遼東宣大延寧甘肅等邊先年止設大鎮及十分要害去處方設城堡後因卽年差去官員計慮未審往往建議增置城堡分軍召募以致勢分力弱一遇虜賊大舉不能防禦原額供邊糧草不勾歲用處處告乏軍士多逃本部不次因事議奏不能阻止嘗考宋仁宗時陝西總管鄭戢城洛水以通秦渭援兵尹洙以為前此屢困於賊者正由城砦多而兵勢分也奏罷其後鄭戢

論奏不已復城洛水尹洙改官韓琦是洙議亦外補
史臣惜之自古大政議論未定於

朝廷而能行於外數者未之有也合無本部通行各
邊鎮巡等官今後務要循守舊規修其廢墜遇有軍
情相機調發互相策應不許創立新法增兵置戍罷
敝中國其近年新設城堡有因事勢難行日又未完
者即為議奏定奪不必拘執原議正德十一年十月
二十一日具題奉

聖旨是這地方各項事宜都依擬行欽此

為緊急夷情聲息事

會議得甘肅都御史李昆等奏內雖稱速壇滿速兒
假以賞賜未得貢使未回為由令火者他只丁占住
哈密城池牙木蘭撲搶境外屬番又稱哨探未得一
面選差夜不收密切探緝如果牙木蘭止因求討賞
賜委曲議處若果有侵犯出奇剿殺等因皆是疑似
未定之詞查得先該都御史李昆等奏報土魯番進
貢正使四名副使四名打刺罕三十四名哈密正使
一十名副使一十名打刺罕四十名伴送土魯番貢
使正使二名副使二名打刺罕六名伴送土魯番
傳諭夷情送賞撫取城印哈密使臣都指揮火者馬

黑木等一十二名俱於正德十一年四月二十六日
驗放入關今尚未到既以進貢為名從禺里來王若遽
羈留不遣非惟有失懷柔遠人之意抑且非

朝廷待夷狄正大之體况土魯番哈密夷情順逆彼
處鎮巡官尚涉疑似

朝廷豈宜逆詐輕虞合無禮部待候各夷使臣到京
之日仍要遵照常例以禮館待賞賜表裏筵宴等項
務要齊備精潔兵部仍會同禮部督同大通事舍誠
等將兵部原會題准撫待土魯番哈密謹關畧節緣
由宣諭知悉回還之日仍照先年舊例選差廉謹通

事序班沿途伴送以禮館待不許交通縱容生事擾
害地方如沿途各驛遮失誤應付聽差去序班行文
所在合干上司究治若差去序班交通各夷縱容生
事亦聽所在官司指實申呈合干上司奏聞區處待
到甘肅之日聽鎮巡官酌量彼處夷情查照先奉
欽依事理徑自從長議處務在處置得宜使夷人畏
服上不失

朝廷正大之體下不啓釁遠夷斯稱委任如或鹵莽
處置乖方 國典具存難以辭責正德十二年正月
十五日具題奉

聖旨是這邊方夷情恁每既議處停當都依擬行欽此

為馳報緊急夷情事

看得巡撫甘肅都御史李昆等奏稱土魯番酋首速壇滿速兒與奸夷火者他只丁等貪心無厭益肆往圖一面差人進貢佯為通好一面侵占哈密陰謀侵犯揆之天道人心十分難平今肅州兵備副使陳九疇叅將蔣存禮反覆推辯議擬欲將奉到

勅諭二道暫免差人往諭速將先今見在奸夷拘收發遣及整兵齊力伺其來犯奮勇痛殺以報積年之

恨言詞激切亦誠為人臣子許國敵愾之義志實可
嘉理當准從除行參將遊擊兵備官員哨探的實相
機防勦原奉

勅諭責付行都司捧收候事勢稍定另議等因查得
正德十一年五月內本部會官議得土魯番若將速
壇拜牙郎不即送回就便照依弘治七年事例閉關
絕貢不許往來將先今差忒使臣遷徙南方邊衛收
管亦即開具奏聞毋得猶豫仍要整搦軍馬慎固封
守遇有侵犯相機勦殺不許恣忽誤事等因已經題
奉欽依通行遵守今都御史李昆等不行恪遵

成命果決行事却乃多張虛誕之詞尚為猶豫之論
不知廷議當守妄稱副使陳九疇等志實可嘉理當
隄從以致事機不密軍情漏泄又督調不嚴軍失紀
律見今報到遊擊將軍芮寧全軍敗沒致厯

聖慮命本部會官推舉文武大臣上緊前去提督軍
務合無候

命下之日將前項賊情備行各官查照議處施行正
德十二年正月二十四日具題奉

聖旨是欽此

為傳奉事

查得前項先年撫處土魯番哈密事例自洪武永樂以來至弘治五年並無發兵征進土魯番緣由至弘治六年始差侍郎張海都督緱謙前去只是會同彼處鎮巡官講求安攘方畧亦無用兵弘治八年止令彼處鎮守太監陸閭總兵官劉寧都御史許進議差副總兵彭清就調本處漢番兵不過二千三百員名征進哈密止殺其占住回賊數十人其首惡牙蘭亦未曾得因無糧草難以久住晝夜奔回喪失亦多未足言功其後閉關絕貢事自寧息正德九年謀臣不考故實輕主用兵既設總制右都御史鄧璋又設總

督軍務左都御史彭澤既差戶部郎中張鍵齎帶銀
兩蘭州糴糧又設戶部侍郎馮清專在陝西督理甘
肅軍餉遠調延寧人馬專為追絕土魯番夷克復哈
密及剿逐亦卜刺等賊不意亦卜刺等賊返過河東
搶殺挑岷土魯番夷雖稱獻還城印忠順王未得復
立會延寧有事乃議掣兵回救其土魯番夷理勢既
難加兵方議加賞撫處邊情重務前後異議而又委
任不專事多推諉以致番夷請求不遂陰懷怨對節
次番文大意皆以不饋原許駁子一千五百為詞啓
釁納侮事實有由今土魯番既已率衆侵犯肅州殺

死遊擊將軍芮寧揆之大義似難再與賞賜示弱求
和若欲似前調兵又恐延寧地方虜賊窺伺乘機入
顧此失彼況即今陝西臨鞏甘肅等處地方災荒軍
民十分貧困倘若僨運糧草督責嚴峻必致激變地
方夷外侵百姓內亂實難支持

口無詳

勅見差太監張永都御史彭澤總兵官卻永上緊前
去甘肅督同彼處鎮巡官處置糧草賑恤軍士振揚
兵威撫馭屬番嚴禁誘設策相機戰守如土魯番賊已
回照依成化弘治等年事例閉關絕貢不許往來若
復來犯邊可戰則戰毋輕率失利不可戰則盡力固

守以逸待勞彼當目道各官起程之日經過官司密
切挨查土酋番差米貢使人等如遇在彼從長計議
或就所在官司設法拘留或帶去陝西羈管具奏發
落務在處置得宜毋或疎漏致有他虞各官到於甘
肅詢訪本邊故老料度彼處夷情如果土酋番兵力
強盛蓄有異謀勢將深入奪占肅州不能固守徑自
從宜取調甘涼莊永等處官軍協力戰守如甘肅本
鎮官軍力不能支方許查照附近甘肅地方以次徵
調若該調寧夏延綏二鎮進軍必須會知延寧鎮巡
官查勘本處聲息寧息方許酌量起調前去應援若

輕易調發到彼不用失誤本邊防禦處有所歸各寃奉
上命經畧處置遠夷事情務在同心協力謀慮精密
應施行者許令便宜從事不可猶豫不快展轉具奏
失誤事機應具奏者仍須火速奏聞

朝廷自有別處再請

勅三道就付各官齎捧前去宣諭赤斤苦峪哈密三
衛夷人都督令其照舊內附堅守臣節毋或彼其逼
脅黨逆為患自取滅亡仍各量加賞賚固結其心使
三衛結合互相救援及隨從我軍併力戰守有功厚加
賞犒其餘屬番一體設法撫馭毋致叛逆生變其阿

爾禿厮亦卜刺等殘賊尤須嚴加防禦毋致乘機與
土魯番應合大擾地方各官務候事寧之日方許具
奏回京其合用賞犒銀段絹布并處置糧草等項專
宜行移戶部查議奏請定奪再照前項差官處置土
魯番哈密事情係干地方重務誠恐本部前項查議
該載未盡合無通行南北兩京府部科道等衙門大
小官員及見差重臣但有安內攘外長策本部智慮
所不及者並聽直陳所見徑直奏聞取自

上裁正德十二年二月初四日具題奉

聖旨是這地方賊情緊急處置尤宜詳慎恁所擬各

項事宜并陸續奏行事理可載在勅書內的還備行
與內外提督軍務官著上緊前去依擬斟酌施行此
為夷情事

看得譯出土魯番王速壇滿速兒番書內說稱你每
原許下的都昧了說了謊你一切反事都是你每引
起的我上馬前來了你承認不是有好了若不呵罵
出哈出苦峪三處人都調將來會合達子頭兒伯彥
猛可一處與

朝廷的人馬對敵甘州肅州已是我的你要好呵作
急差人出來我與你好和若不呵將你地方城池時

間壞了等情查得近年差官處置哈家土魯番事情
委的許與賞賜送出金印未曾了結以致番夷懷恨
藉口啓釁大舉入寇殺死將官并軍士數多虧損

國威今欲再與賞賜和好誠恐益損國體况夷狄

貪婪無厭萬一乘此機會益肆要求難盡滿其所欲

前代增添歲幣之說可為明鑒若欲與師問罪大張

殺伐又恐地方艱難錢糧缺乏激成他變且據速壇

滿速兒所言要調三處人馬并會合達賊頭了伯彥

等一處對敵將你地方城池時間壞了等語似非虛

詐為今之計縱不往前征進亦當急為隄備合無請

勅見差提督甘肅等處軍務重臣上緊前去督同彼處鎮巡官斟酌夷情緩急度量兵糧多寡或調兵剿逐或併力固守悉聽便宜施行及查先前許與改正之人因何輕許失信致啓邊釁就彼等問明自解京發落干碍鎮巡等官叅奏施行仍將掣問許與失信緣由設法傳示曉諭速壇滿速兒使知非

朝廷本意令其回還本土地面若能悔過送回哈密王速壇拜牙即復立奏聞

朝廷自有處待若仍犯邊調集陝西各路人馬征剿尔賊豈得保全一應事務並聽各官從宜斟酌施行

不必拘泥原議惟在事體停當內安外攘斯稱委任
有功陞賞不吝誤事責有所歸正德十二年二月初
六日具題奉

聖旨是軍中一應事宜悉聽內外提督軍務官從長
議處施行惟在事體停當不必拘執原議欽此

為夷情事

看得土魯番為因先許紉絲一千五百疋取出金印
紉絲未曾送去以此啓釁釀成今日之禍大壞地方
造謀之人合當查究及看前項番文正德十一年九
月初四日寫來今年二月初五日方到中間恐有稽

留窺避情弊合無本部轉行見差提督甘肅等處軍務重臣除督調官軍防勦外將前項譯出塔只丁馬哈府等番文內事情到彼查究明白有罪人犯應提問者就便提問辭京奏請發落應叅奏者叅奏施行務使罪人斯得以後使臣不敢生事遠夷懷奸誤國正德十二年二月初六日具題奉

聖旨是這遲滯番文的着張永彭澤等到彼之日查明問擬了來說欽此

為傳奉事

照得舊例凡遇

命將出師用武職大臣掛印充總兵官奉

制勅行事所以重兵權專委任原無提督名目況今
次差官專為征禦甘肅邊外土魯番夷延寧人馬本
邊無警相應調用但恐延綏寧夏鎮巡官因見各官
有提督三邊字樣凡事呈請失誤軍機合無請

旨定與卻永該掛將軍印信并符驗旗牌制勅就交
付太監張永叅隨官員順賚前去陝西本部預先舖
馬差人調取卻永前來陝西瓦亭驛等處相應地方
候到交割其寧夏軍務暫聽副總兵陸瑛帶管新任
總兵官到日照舊再行延綏寧夏各該鎮巡等官但

遇本邊應行防禦戰守事宜俱照舊施行不許推稱
新設提督聽受節制展轉呈請失誤軍機若遇征西
大臣會議調取本鎮遊奇官軍前去甘肅寧夏查議
本邊別無重大聲息即便依期應援不許遲悞正德
十二年二月初八日具題奉
聖旨是卻永着掛平虜將軍之印其餘事宜各依擬
行欽此

為邊方夷情事

看得禮科抄譯出哈密衛都督滿刺哈三回回字票
帖一紙乃是葉甘肅鎮巡官的說話大略說許下

壇滿速兒紵絲一千五百疋不與又鎮巡官說哈密
使臣許一年一貢土魯番使臣三年一貢撒馬兒罕
使臣五年一貢以此速壇滿速兒十分惱怒要領人
馬來因見鎮巡官差人賁好文書到哈密火者塔只
丁前去報知速壇滿速兒差人來哈密言說原許下
我的一千五百疋紵絲若不與我還去作反又說哈
密地方見被達賊擾害搶殺要差人馬前去同他每
勦殺等語稟帖內原無年月據前項總兵官史鏞奏
詞內稱去年六月內都督滿剌哈三守哈密城已投
順了土魯番則此稟帖在六月前已送到甘肅鎮巡

官處但未審何衙門奏繳至今年二月方絕抄譯出
部合無本部偸行見差征西重臣到彼查勘前項滿
刺哈三稟帖彼時迺到甘肅鎮巡官處作何施行及
查稟帖內所言三堂大人差人賚好文書到哈密是
何等文書又許一年一頁三年一頁五年一頁是何
大人許說去各查得實中間有無啓竅誤事情由究
問明白有罪人犯解京奏請發落干碍鎮巡等官指
實參奏施行正德十二年二月初八日具題奏

聖旨是這等情也着張永彭澤等到彼查處了來說
欽此

爲大勢面賊入寇攻困堡寨事

看得巡撫甘肅都御史李崑等奏稱在途進貢未經
到京夷使所賫方物馬匹已經進貢到京夷使回還
所領賞賜欲要一併差人跟趲行令所在官司追收
封進緣事干國體臣等未敢擅擬及照已經進貢面
還在途亦有天方國撒馬兒罕地面夷人原不係土
魯番一例爲惠之人應否一併拘收再照未經起送
進貢撒馬兒罕夷人并奄克字刺進貢謝
回夷衆已到甘州住久先因起送土魯番哈密進貢
夷使恐驛遞應付不便令其暫住今乃值有土魯番

夏竦奏卷之六 三
侵犯之變應否照舊起送赴京亦非臣等所敢輒擬
乞要查照議擬的當早賜施行等因查得土魯番進
貢夷使已該本部前項議擬題奉

欽依各官起程之日經過官司密切挨查土魯番差
來貢使人等如遇在彼從長計議或就所在官司拘
留或帶去陝西羈囚具奏發落今奏別無定奪合無
本部再行左都御史彭澤等查照施行其撒馬兒罕
并奄克字刺進貢夷人既稱不係土魯番一例為惡
之人難以一併拘收合無行文李鼎等再行查訪果
無交通土魯番情弊照舊起送進貢如有干碍亦從

差提督軍務大臣議處定奪正德十二年二月二十九日具題奉

聖旨是撒馬兒罕并奄克字刺差來進貢夷人還着照舊起送其已經來貢回還在途的待張永彭澤等到日再處置欽此

為久戍遊兵廢墜申明精選復舊規專責任頒賞蘇困用圖補報事

看得巡撫甘肅都御史李昆奏稱彼時以為賊衆兵寡武振等率能全軍退敵忠勇可嘉是以從宜量行獎犒已為優厚若再量加賞犒或恐公論有所未平

未敢擅擬伏乞

聖裁一節查得前項事情武振奏來都御史李昆等
未奏所以本部議擬奉

欽依查勘是實准量加賞犒武振還奏未定奪初不
知李昆等已行徑自將犒又令量加賞犒也李昆等
自當具實回奏却乃反覆辯論以為公論未平是以
賞出於已者為宜而以出於

朝廷者為不宜也蓋是李昆因怪武振徑直具奏故
為強辯沮抑以快私忿云云本邊遇賊侵犯却敵之
事亦嘗有之若俱以偶能却敵自陳叨冒倘有擒斬

之功何以加尚原本部原議兵家之事以克敵制勝
為全功不已斬首多寡為勲績故李牧守鴈門匈奴
不敢近塞非取其能斬首也今李昆等故為異同謂
却敵為常事斬首為奇功近今甘肅地方失事多有
隱匿及至搜斬病死幼小番達即便冒報功次近來
前弊方少息如李昆所論不無又啓貪冒之風大沮
名將之氣如近日遊擊芮寧不能却敵全軍敗沒較
之武振以軍七百敵退達賊八千奪回人畜者豈常
事乎奉

旨諭將士豈得為過及看奏內開陣亡軍每名賞銀伍

兩征傷當先官軍每名賞銀三錢又有每名賞銀二錢五分或每名賞銀四分俱不合賞格及武振神楫郭韶雖各賞毆一疋緣武振神楫俱係領

勅將官郭韶係方面官原無鎮巡官不奏徑自給賞事例况恩典必須出自

朝廷庶能使人激勸見今甘肅有事用兵處置一不得宜將士未免解體合無將武振神楫郭韶伏乞上裁量加賞賚行令鎮巡官就被拏辦給賞陣亡軍人子孫照例級其餘當先被傷官軍仍照例量量量日具奏查考庶使沿邊官軍知所邀勸謀勇將官不

至洎沮正德十二年三月初四日具題奉

聖旨是武振等各賞銀十兩紵絲二表裏着就彼給
與他陣亡等項官軍該陞賞的各照例行欽此

為夷情事

看得甘肅鎮巡等官都御史李昆等奏稱土魯番酋
首速壇滿速兒率衆犯邊陰謀不遂差人求和見我
不答復差親信頭目朵撒恰等懇求和好恐係虛詞
故緩我師朵撒恰係彼緊要親信之人必不肯中道
棄捐不日又將糾率賊衆前來叩關求和或乘隙入
寇若彼專計入寇臣等相機剿殺若彼專計求和臣

坐義難聽受乞要本部詳加議處奏請定奪一節查
得前項本部會官議處若土魯番夷尚在肅州等處
犯邊宜當相機剿殺若以遠遁不來犯邊照依成化
年事例閉關絕貢不許往來若果自來告受撫諭
格心歸向將哈密忠順王并金印送到肅州別無挾
詐要求後患聽都御史彭澤等從宜撫處一面星馳
具奏定奪等因已經議同題奉

欽依遵行今甘肅鎮巡官因見土魯番夷已退一面
奏止調兵一面奏要議定撫剿二事以為遵守臣等
再議得土魯番夷雖已退遁復寇之舉尚未可保誠

如李昆等所慮者雖不加兵征討中間應議處事宜
非止一端必須講求方畧處置停當庶可保無後患
合無請

勅李昆等查照本部節次題准并前項會官計議題
准事理欽遵度量夷情相機撫勦務在事體停當地
方無虞應施行者許令便宜施行事體重天星馳奏
請定奪正德十二年四月初一日具題奉

聖旨是這番賊雖已退遯難保不再為寇還寫勅與
鎮巡等官著查照恁每前後奏行事理量度夷情相
機撫勦務在事體停當以靖地方事有可便宜處置

并奏請定奪的都着依擬行欽此

為查訪夷人事

看得土魯番并哈密夷人先該本部題准令太監張永等起程之日經過官司密切挨查或就所在官司拘留或帶去陝西羈管具奏發落今照各官未行若不另為處置誠恐前項夷人聞知本種夷人犯邊得罪慮恐連累因而別生事端深為未便合無本部差官馳驛前去通陝道路密切體訪前項土魯番并哈密進貢夷人如遇到彼着落所在官司設法收管支待轉行該管巡撫都御史作急親詣彼處委官看守

牢固關防既不可寬縱致生他虞亦不可嚴急因而致死本部行文甘肅鎮巡等官查議前項夷人應該作何處置回報至日奏請定奪正德十二年四月初二日具題奉

聖旨是德部裏便差屬官一員去欽此

為斬獲犯邊回賊首級追逐遠遁事

看得甘肅鎮巡官都御史李昆等奏內開稱正德十一年十二月內督調左副總兵鄭廣等并哈密等衛掌印都督奄克字刺等統領番漢官兵在於瓜州沙溝二處地方斬獲土魯番賊首級共七十九顆及稱

王魯希速壇滿速兒興師動衆謀侵邊鄙肅州寄住
奸夷往來造逆生謀故敢捲土而來雖有遊擊將軍
芮寧一敗之變此賊終不敢輒至肅州城下累次差
人齎書求和又被瓦剌達賊搶殺攻劫事在危急且
悔且哭交相怨讎即今地方已靖軍民復業除行各
官愈加用心隄備并行寧陝副總兵周誠等各將人
馬暫且停止候本鎮有緊急重大聲息另行徵調將
肅州寄住回夷解來甘州監候另行議處奏要本部
計議將前調取延綏遊兵暫且停止待後此賊復來
入寇聲勢重大聽臣等徑自差人徵調隨即起程前

來策應及行巡按御史將有功陣亡征傷番漢官旗人等驗審明白照例陞賞一節既稱地方已靖軍民復業及將原調寧夏人馬止回合無將見差太監張永孔學都御史彭澤監察御史潘倣并原奏帶官軍人等俱不必去各照舊管事卻永行令於隣近甘肅方便去處統領原帶官軍暫且住劄候甘肅有警報到即便赴援合用糧草於戶部見撥銀兩內措買供給待甘肅地方十分寧靖彼處鎮巡官徑自移文卻永知會將原領官軍即便放回本官具奏回京及照甘肅地方糧草馬匹俱各缺乏侍郎楊旦并寺丞謝

瑞俱已起程前去合無本部行令謝瑞仍照原擬前去甘肅處置馬匹勾用方許回京及咨戶部徑目議奏轉行侍郎楊旦處置甘肅糧草以脩調兵支用其太監張永原奏准帶去絲段二千疋織金花樣段二百疋絹三千疋布五千疋今雖不去但哈密赤斤等衛效順夷人并有功官軍等項亦合賞犒以勵人心合無量減原數准帶絲段一千疋織金花樣段一百疋絹布各二千疋差官運送甘肅交與鎮巡官收庫賞犒等項支用畢日具奏查考再照甘肅地方去年十一月內土魯番賊殺死遊擊將軍蒯寧損折官軍

數多并前後夷情已經本部節次題准行巡按御史查勘今奏瓜州等處襲搗賊營斬獲首級并節次遞到咨文內夷情亦合查勘處置但地方極遠夷情難測彼處官司彌縫附會情弊難保必無若不差官前去查勘明白信賞必罰無以警戒將來合無請

勅差有風力給事中一員會同彼處巡按御史將去年十一月內肅州失事并各項夷情及見監候夷人但係本部節次題准查勘事件吊查卷案逐一勘問務見明白及查驗見今斬獲首級是否對陣斬獲真正土魯番長壯賊級并今奏內見拾留夷人及譯出

審文內夷情逐一查審有無虛實不分番漢有罪人
犯應提問者就彼提問照依律例議擬發落應叅奏
者叅奏施行有功官軍照例造冊奏繳以憑陞賞事
奉之日回京復

命正德十二年四月初二日具題奉

聖旨是這回賊既已退遁地方稍寧張永彭澤孔學
開紀功等官且不必去卻永還着統領原帶官軍前
去甘肅隣近地方暫且住劄以便赴援事寧具奏回
京哈密赤斤等衛効順夷人并有功漢土官軍人等
准於張永原奏帶紉絲布絹數內各帶一半去以備

賞犒之用其餘各依擬行欽此

為夷情事

恭詳得速壇滿達兒番文五紙內情詞大意歸咎寫亦虎仙火只怯白及恐殺害親信頭目朵撒恰所以反覆論說只欲求和保全朵撒恰又欲約會把巴义等達子人馬二萬來討朵撒恰雖有挾詐要求之意終有悔罪納款之情但差馬亦虎仙許賞及拘留朵撒恰俱係彼處總督鎮巡等官前後議處事情已該本部前項擬差給事中會同巡按御史查勘及勅李昆等查照本部前後奏行事理度重慶賈今譯

夷情別無定奪合無將譯出番文脩行見差給事中
巡按御史并鎮巡等官查照各照原擬并欽奉

勅內事理欽遵查勘議處施行正德十二年四月二
十四日具題奉

聖旨是恁部裏前後奏行事理并所譯番文便脩行
與差去給事中着上緊前去會同鎮巡巡按等官查
勘議處務要停當以靖地方欽此

為走回夷人供報賊情事

議得甘肅事情先因謀臣失策輕舉用兵挑啓釁端
見事難成變為和議又至午增幣中道棄捐及至大

舉來犯肅州殺掠官軍鎮巡官員倉惶失措一面急
調河東延寧人馬一面奏報賊情十分緊急

朝廷慮恐肅州失守旨從中出遣差內外重臣動支
內帑銀五十餘萬兩又舉見任鎮守寧夏總兵官郤
永前往甘肅征進既而土魯番賊引退本部料度此
賊雖已退遁其情順逆尚未可保以此節次議奏暫
留郤永在於隣近地方住劄無事不為多費有事得
以應急不為無見向使郤永亦就回京萬一如今脫
脫忽所報土魯番夷率衆復來然後又差郤永前去
必不能及所據郤永去留關係地方誠非細故合無

本部差人馬上賫文交與總兵官郤永務要遵照本部前項原題奉

欽依內事理於隣近甘肅方便去處統領原帶官軍暫且住劄候甘肅有警即使赴援合用軍餉馬匹就於見差督餉侍郎楊旦并寺丞謝端處取用各不許耽誤候甘肅地方十分寧靖彼處鎮巡官徑自移文郤永知會將原領官軍即便放回郤永具奏回京其甘肅鎮巡官處置土魯番夷事宜已該本部會官議擬明白題奉

欽依節次通行遵守別難議擬合行李昆等逐一查

照遵依施行倘有差失咎必有歸正德十二年五月十七日具題奉

聖旨這地方賊情已寧卻永著照依前旨回京還寓勅與他欽此

為查訪夷人事

看得署員外郎事主事孫繼芳呈稱前去河南陝西地方會同各該巡撫都御史將土魯番并哈密該拘留夷人查審明白轉行各該府州縣委官看守牢固關防設法收管支持外呈來施行一節照得前項土魯番哈密進貢夷人先該本部議擬行委本官前去

密切體訪轉行該管巡撫都御史親詣彼處委官看
守及行甘肅鎮巡等官查議應該作何處置回報至
日奏請定奪已於本年四月初四日題奉

欽依通行外今既該署員外郎孫繼芳體訪見在已
行該管巡撫都御史委官看守緣無甘肅鎮巡官查
議過緣由雖經本部節次行催未見回報若不嚴限
完報誠恐各夷拘管日久別生他虞深為不便合無
本部再行馬上差人賫文交與甘肅巡撫都御史李
昆會同鎮巡等官照依本部原擬題奉

欽依內事理作急查議將前項夷人應該作何處置

緣由逐一明白務在目下回奏定奪不許遲誤本部
仍行河南陝西巡撫都御史將見已拘留夷人督令
各該府州縣委官用心收管接待既不可寬縱致生
他虞亦不可嚴急因而致死各取所在官司不致疎
虞重甘結狀繳部查考正德十二年六月二十六日
具題奉
聖旨是欽此

為賑撫番達保固藩籬等事

看得巡撫甘肅都御史李昂等奏稱甘肅二處并無
預備夷人賑貸口糧之數肅州舊關口糧夷人三百

餘數所乞口糧牛種夷人計以千餘若不從宜撫賑有失衆心乞

勅該部計議糧米應於何項糧內暫且支給段布應於何項銀內暫且支買候哈密稍寧麾之使去又要審訪各種夷人擇其驍悍難過渠魁數百人各帶家小取調甘州及山永涼莊之間羈住令其隨軍關支口糧以分其勢事寧照舊發遣等因又看得巡按甘肅御史趙春奏稱肅州見在倉糧料止有八千餘石月支已不勾用若將夷人羈留養贍恐愈不敷及慮地方兵寡力弱夷勢衆多必須早為計處庶幾後患

乞勅該部計議憐彼犬羊不與計較收留安插暫
給口糧俟回賊稍寧仍發該族住守或分散河西十
五衛所量撥地方安插造冊支糧遇警調用等因臣
等議得自古聖王之治天下詳內略外謹中國之防
嚴華夷之辯自晉內徙五胡遂亂華夏我

朝鑒前代之弊建衛授官各因其地姑示羈縻不與
俸糧貽謀宏遠萬世所當遵守者也近年巡撫甘肅
都御史趙鑑奏要動支布政司官銀二萬兩賑濟蒼
夷臣瓊時任戶部議奏恐啓無厭之求為將來之累
竟寢不行今都御史李昆等因見地方事勢危急不

及遠慮暫往支糧以繫番夷之心及見糧盡無處事
勢難行方總會奏於何項糧銀內支給查得甘肅一
鎮官軍歲用糧餉往往不敷豈有別項糧銀可以常
久支給但各官既以准給召集歸附若不從宜善處
遽加阻絕必生激變為患地方合無本部行文就令
差來人馬上遞交與李昆即便會同鎮巡等官從
長計議將見任歸附夷人選委的當官員明白曉諭
大意謂爾等東等衛屬番自來俱是自種自斲不納
糧當差原無支給官糧事例近因土魯番侵犯殺害
爾等離失故土鎮巡官憫念爾等遭難從權賑濟不

為常例今土魯番賊聲言復來沙州姑容尔等附近
安插尔等宜各自為生理不可專倚官糧過活見蒙
朝廷差侍郎楊旦賚帶銀兩段疋絹布前來專為預
脩軍餉亦為賞勞尔罕東等衛效順屬番之用今遵
原奉

欽依酌量頒賞尔等俱要感激

朝廷厚恩管東部落選定驍勇好漢聽候土魯番來
跟隨殺賊有功重加賞勞待土魯番遠遁尔等各回
舊土安住以後口糧俱難按月支給務要示以大義
恩威並用處置得宜不可輕許安插河西甘州山永

涼莊等衛致啓禍端其合用賞勞屬番銀兩段正絹布仍與侍郎楊旦公同計議動支既不可太濫虛費官錢亦不可刻悞致生嗟怨事畢造冊奏繳查考本部前擬事理或有未盡聽各官便宜議處不必拘執本部原議惟在事體停當地方安妥如或鹵莽誤事咎必有歸及看得各官奏內開稱土魯番速壇滿速兒留下五六百人在沙瓜州住著要到七八月多收拾人馬復來漢人地方做歹一節先因本部料度土魯番夷雖是暫退恐有舉衆復來之情以此節次議奏令總兵官郤永統領寧夏勁兵於附近甘肅地方

佳劄以待其變未蒙

俞允已將卻永取回軍回本鎮萬一速壇滿速兒果
如奏詞秋後復來侵犯肅州勢必愈強寧夏官軍路
遠一時難調不無誤事合無行文李昆作急與史鋪
許宣陳九疇等計議整搦軍馬十分嚴謹隄備見在
兵寡力弱聽於歸附屬番內挑選精銳好漢編成隊
伍臨用之時給與賞賜月糧盔甲器械聽本處領兵
官約束防禦土魯番賊併力勦殺有功厚加賞犒事
寧各回本族中間事宜亦聽各官便益施行正德十
二年七月二十三日具題奉

聖旨是這曉諭屬番量行賞賜并嚴謹隄備併力勦殺等項事宜着李昆等各依擬隨宜處置施行欽此
為處置脩禦領班官員事

看得巡按甘肅監察御史趙春奏稱舊例涼莊甘州兩班脩禦官軍各有陝西都指揮一員領班近年各因缺員管領臨時旋委官員職權輕小不能約束乞要於陝西都司都指揮內推委六員分為兩班赴邊脩禦其領班都指揮到於涼莊甘州行禮俱列於行都司都指揮之上鎮巡衙門相待各官如陝西鎮巡相待陝西都司官之禮等因切緣各衛不相統攝却

委指揮一員統領各衛上班官軍委難行事但陝西
都司見任都指揮掌印金書魯昂共四員今要額外
推舉六員甘肅領班原無舊例及查天下腹裏都布
按三司官巡撫巡按官相待體統自有舊規其各邊
行都司官多以軍法相臨亦難比照前項臨鞏岷
等衛輪班涼莊甘州備禦官軍先該巡按御史馮時
雍奏稱逃亡不得實用奏要免其班 本處操演聽
調本部議行甘肅鎮巡官從長計議如果相應放回
具奏定奪一向未曾奏報續該都御史李昆等奏稱
亦卜刺賊復至西海地方搶掠要將該班備禦官軍

刻期調發又該本部議行陝西都御史查照撥補及
將經該失誤官員提問監候完日方許發落至今不
見撥補完足所據御史馮時雍前奏將備禦官軍
回本處操演聽調及御史趙春今奏要將備禦官軍
推委都指揮六員每處二員分為兩班管領二者事
宜所見不同必須通行勘議明白方可定奪合無本
部行文巡撫甘肅都御史李昆等查照本部原題奉
欽依內事理查議河東備禦官軍如果相應放回原
衛操練委定官員管領遇警調用似又可行事休無
碍或不可行作急具奏再行巡撫陝西都御史會同

鎮巡三司官計議外等臨鞫等衛可去莊涼甘州備
禦官軍應否於陝西都司官額外以舉六員或四員
照河南等宣大備禦事例請

勅管理依期上班亦作急具奏通候奏到之日本部
再行查議停當奏請定奪俱不許似前違延不行因
奏致誤軍務正德十二年八月二十五日具題奉
聖旨是這地方備御管軍着各該鎮巡寺官議處停
當奏未定奪毋致違誤欽此

為計處馬匹以安地方事

看得巡按陝西御史趙春題要將寺丞謝瑞見解銀

兩通解甘肅巡撫都御史李昆處查照無馬軍人給銀十兩使之自買行司巡道催完其餘銀兩仍收貯庫待緩急支用一節查得本部前項原擬買馬會同巡撫都御史等官計議查勘坐委守巡寺官收買不許逼民包陪及一經搖擾地方今御史趙春奏稱臣鞏二府實馬民情不便顯是寺丞謝瑞及巡撫官員議處欠當合無本部行文謝瑞并巡撫陝西都御史查勘臨鞏二府派買馬匹除已完者照舊解發甘肅給軍騎征未買馬匹銀兩再行查議甘肅該用馬匹多寡扣定數目解送巡撫甘肅都御史處轉發該庫

收貯照依御史趙春所擬給軍買馬餘剩銀兩俱發
所在官庫收貯聽候明文定奪不許所在官司擅便
那移別用通將買給過各項馬匹支用過銀兩及餘
剩數目造冊奏繳回京復

命正德十二年八月二十五日具題奉

聖旨是這地方派買馬匹內有未買的准扣數給與
銀兩着軍人自買騎操欽此

為計處地方以備番患事

看得巡按甘肅監察御史趙春奏止大軍不去乞要
動支銀三四十萬兩差大臣一員前去撫處措置錢

糧販恤軍士等因查得前項本部節次會議題准事
理今奏事件俱已施行別無議處合無本部再行侍
郎楊旦并巡撫都御史李昆等查照本部前項節次
題准事理逐一遵依施行務使糧草充足軍馬強壯
軍士受惠番夷畏威事畢之日備將行過事蹟開奏
查考臣等又議得遼中自古羈縻之地至於土魯番
尤極遐荒斷無用兵之理正德八年謀臣失策輕舉
用兵遠調延寧人馬征勦河西番夷正當饑饉流離
之際乃為邀功生事之舉言者但知希旨附和惟御
史馮時雍以為不可然竟寢不行啓蒙納侮致有連

壇滿速兒提兵犯肅之禍守臣具奏肅州事急
朝廷恐遂失守不得已

命將出師旋用臣等之議遂止不行今御史趙春不
知京軍已止不行具奏前因誠為有見與先任巡按
御史馮時雍所奏前後不約而同可見公論有在合
無本部再行甘肅鎮巡官今後務要遵守定論屯田
積穀脩明武備番夷來犯則相機剿殺去則勿追不
許再倡講好之說輕啓外夷之侮一應事宜俱照本
部近日會官計議題奏

欽依內事理恪遵施行如或乖違貽患地方聽巡按

御史指實舉奏處治正德十二年六月二十日具題奉
聖旨這處置錢糧軍馬并賑恤軍士等項事宜還再
行與侍郎楊旦并都御史李昆等着查照愆部裏節
次奏准事理隨宜議處施行毋得虛應故事欽此

為邊情事

看得巡按陝西監察御史趙春奏稱原調寧夏遊擊
李永定統領官軍一千五百員名到於甘肅未經戰
陣每員賞銀四兩甘肅倉廩空虛無功浪費要將原
賞銀兩免行放支或行寧夏官庫照常支給一節先
因甘肅回賊擁衆侵犯事急都御史李昆急調寧夏

官軍李永定所領遊兵纔從延綏策應四鎮又往甘肅赴援晝夜兼行情甚窘迫

朝廷憫念邊軍窮苦欲用其力俯從本部所議准與賞賜非濫賞也况寧夏官軍調往甘肅原無舊例官軍出征即與賞賜有例見行今甘肅巡撫等官廢格成命不行給賞巡按御史趙春具奏前因若依所奏不與不惟邊軍缺望有辜

恩典抑且

朝廷示大信於邊陲言出反吞人不信服巡按御史趙春所奏雖似惜財終傷大體况本部原擬待後侍

郎楊旦到日就於帶去京庫銀兩照數補還非專取
於甘肅官庫緣李永定原領官軍見回本鎮合無本
部行文李昆等會同侍郎楊旦查勘李永定原領赴
甘肅官軍的確數目扣數放支銀兩差官押送寧夏
鎮巡官處交割查照唱名給賞仍將給賞過花名日
期造冊奏繳不許違誤務使人沾實惠庶幾

恩典不虛即今河凍倘或虜賊入套調往延綏防禦
亦得其用正德十三年九月初一日具題奉

聖旨是李永定原領應援官軍還照依前旨給與賞
賜欽此

為查處父住謀逆姦詭回夷以靖地方事

議得先該本部恐彼處官司彌縫附會奏差給事中
一員會同彼處巡按御史將失事并各項夷情逐一
勘問明白提問叅奏續又該都御史李昆等奏問過
姦夷阿刺思罕兒怯林札兒的緣由本部會同議行
見差給事中會同巡按御史勘問從重議擬俱題奉
欽依通行外今李昆等會審得怯林札兒的等供說
情詞奏來看得供內開稱馮亦虎仙要得攀援速壇
滿速兒做親依勢欲圖哈密為王求娶本王姨母為
妻許允馮亦虎仙嫌老不要又要娶王妹為妻速壇

滿速兒嗔怪要殺央火者他只丁解勸許下王子段
一千疋又許與火者他只丁五百疋相謝則前項段
疋係是寫亦虎仙買免殺戮之物及查前後迤到番
文寫亦虎仙稟稱領去的賞賜盡使用了千難萬難
將金印與了城池不與滿速兒王要段子一千疋火
者塔只丁五百疋我每這裏轆下段一百疋牛馬各
一百匹隻還不喜歡只塔只丁馬黑麻等番文亦稱
寫亦虎仙等使臣每常賞

勅書來多許我每來因此將金印哈密城送還他許
我每一千五百疋紵絲並不曾到來土魯番王十分

愆怒及節次速壇滿速兒遞到審文情詞相同則段
正專為求取哈密城印之用前後情節自相矛盾供
內既稱馮亦虎仙明知速壇滿速兒要行犯邊不合
不行阻勸又不差人傳報預備則馮亦虎仙似無造
謀之跡而叅詞却稱引惹邊釁致失軍機勾連謀逆
應該顯戮於市情罪俱有不合又看得奏內開稱已
未貢回夷人不下千數中間假姓冒名者居多要將
在京者就被查究在途者奏差官通一體查明不拘
名姓同否但係哈密土魯番等處面夷照依前擬分
別等第議處發遣既無各夷姓名亦無的數又不開

所犯輕重若果差官查報之日不知應該照何議擬
憑何等第為是似此處置亦欠詳細悉奏又稱火者
馬黑麻等一十一名原係撒馬兒罕天方國進貢人
數其間土魯番哈密冒名之人数多亦當遷發腹裏
附近去處查得先該都御史李昆等奏稱天方國撒
馬兒罕夷人原不係土魯番一例為惡之人應否拘
收及與奄克字刺夷衆應否照舊起送乞要議擬該
本部議得既稱不係土魯番一例為惡之人難以一
併拘收合行李昆等再行查訪果無交通情弊照舊
起送如有干碍從見差提督大臣議處定奪題有前項

欽依外今未及議處一緊遷發誠恐無干人衆不無
怨懟及看得數內一名哈丹先該甘肅鎮巡官奏稱
係是把巴义部下達男被牙木蘭搶了帶來貨賣及
批仰陝西行都司伴送赴部查處並不曾聲說別項
干碍事情以此本部議發兩廣安插奉有

欽依收充勇士今奏要隨主遷發亦難施行奏內明
開會審得數內怯林札兒的供稱前因計開項下亦
開年深狡獪挑惹釁端及知而不首應該幽死於獄
夷人二名怯林札兒的火者哈只及看供內却稱牙
木蘭同阿刺思罕兒姪亦思馬因又差了今故哈密

田田怯林兒的兒前來打聽聲息緣奏內怯林兒
的並無重名之人不知即今見在或已病故亦屬含
糊况各項夷人中間多有名姓相同縱無籍貫可查
亦有年歲可辯今俱不見開寫明白日後發遣不無
錯亂係干處置夷情事體重大萬一情犯不真處置
失宜傷壞國體貽患地方誰任其咎况原行給事中
御史勘問未曾回奏今若即依李昆等所奏處置發
落以後給事中御史奏到情事有不一愈致紛擾合無
本部移咨都察院行催彼二衙門按御史會同差去給
事中查照本部節次題奏

欽依內事理將前後遞到契文及見監夷人上緊逐一譯問明白取具歸一招詞分別情罪輕重議擬停當將情輕人犯暫發所在官司拘管情重差委酌當官員沿途量撥官兵押解赴京送法司會官通行覆審明白叅詳奏請發落及照署員外郎孫繼芳查過沿途見在羈候夷人火者馬黑木等一百二十七名合無行移各該巡撫都御史照舊接待牢固關防候勘事給事中回還經過之日轉行該管地方差官伴送赴京一併會審施行正德十二年九月初四日具題奉

聖旨是這前後遙到番文并彼處見監夷人還着差
去給事中并巡按御史查照恁部裏節次奏行事理
逐一譯問明白議處傳當上緊奏來定奪其沿途羈
候的各依擬行欽此

為別功勤以重地方事

看得巡按甘肅監察御史趙春奏稱去年回賊侵犯
肅州總兵官史鏞不能先事防守以遏其不來刻期
制勝以攻其速去鎮守太監許宣盡心圖報巡撫都
御史李昆公廉卓異今戴罪如此邊事有所難行銓
曹不敢推用乞要

皇上俯賜溫言重加褒獎李昆作速推陞或暫加俸
級一節查得去年肅州城外被回賊殺死遊擊蔣寧
損折官軍七百餘員名該前巡按甘肅監察御史王
光及兵科都給事中汪玄錫等俱劾奏許宣史鏞李
昆等庸鎮巡之重寄昧經畫之遠圖養成回賊之患
大挫中國之威該本部議得甘肅地方緊關用人許
宣史鏞李昆俱請

勅切責令其用心謀議相機戰守保固邊疆以贖前
罪地方失事損折官軍殺虜人民事情行巡按御史
查勘平礙鎮巡官一併叅奏處治後因李昆等具奏

瓜州等處襲搗賊營斬獲首級并節次奏到番文夷情本部慮恐彼處官司彌縫附會以此議奏請

勅差給事中黃臣前去會同彼處巡按御史勘問回奏今御史趙春不見遵照本部前項題奉

欽依原行亦不見聽候會同給事中黃臣勘問徑自奏來要將李昆等褒獎推用固是必有所見但肅州失事遊擊芮寧全軍敗沒恐非史鏞一人不能先事防守所致况前後處置夷情及後來襲搗賊營等項事情中間功過虛實當當罰緣由必須逐件按問的實方可定奪合無本部再咨都察院轉行巡按御

史趙春查照前項先任巡按御史王光并兵科都給事中汪玄錫等劾奏及本部郎次覆奏備奉

欽依內事理會同給事中黃臣逐一勘問明白會本具奏本部臨時議擬奏請定奪正德十二年九月十八日具題奉

聖旨是着上緊查勘明白來說欽此

為夷人供報虜情事

看得巡撫甘肅都御史李昆等奏稱審據夷人李力忽供稱速壇滿速兒第把巴义等噴伊兄做歹把金路斷了與伊不和但慮在彼夷性變詐不常在我防

範尤當謹脩及稱瓦剌虜酋把腮等乞要差人前去
彼亦差人來見照舊往來通好緣今官庫全無附餘
錢糧恐此虜求討無厭難以善後以此議同不必差
人前去待彼自來報事或求討賞賜臨期斟酌量支
犒賞一節照得土魯番回夷素稱誦詔叛服不常自
去冬瓜沙州挫敗之後一向不見消息今雖據壺力
忽供報前因但恐本夷因懷必報之怨捏造求和之
詞緩我邊備誠未可知合無本部行文甘肅鎮巡官
督同兵備分守等官務要加謹隄備如遇土魯番回
賊再來侵犯照依本部節次題奉

欽依內事理隨宜徵調相機戰守毋容怠緩致墮奸謀其瓦剌等虜酋亦要善加撫諭使各夷懷恩內附為我鄉導中間如有似去年襲搗賊巢併力捍禦等項勞勩臨時明白具奏厚加賞賚以酬其勞正德十二年九月二十四日具題奉

聖旨是這限脩并撫諭等項事宜都着依擬行欽此為查訪夷人事

看得巡撫甘肅都御史李昆等奏稱河南陝西拘留夷人俱係土魯番未曾侵犯之前起送赴京進貢人數挨之目前踪跡若不與謀究其積年姦詐實有可

據况火者馬黑木姦狡素著尤難輕縱似應仍照前
擬將火者馬黑木頭戮於市其餘姦夷就彼遷發煙
瘴地面安置以絕禍根其所賣方物馬匹行令所在
撫巡等官查照行都司原給印信執照數目驗記進
繳庶於事有歸結於理亦非過當若是預計速壇滿
速兒先既累次求和設使目下復來悔罪求貢及將
速壇拜牙即送出又行乞討前項羈留進貢之人臨
時不無反覆難處亦合暫且就彼拘繫如今年秋冬
之間本酋不來悔罪仍肆侵擾即行發遣亦未為晚
及稱拘收夷人名數多少不同中間恐有逃故冒頂

情弊合行所在官司行拘原押官通查究必有下落
乞要再行議處上請定奪

命下之日脩行知會一節照得前項夷人應該處置
事情先該都御史李昆等具奏本部因見供內情詞
不一議行彼處巡按御史會同差去給事中將前後
遞到番文及見監夷人逐一譯問明白取具歸一招
詞分別情罪輕重議擬停當將情重人犯押解赴京
送法司會官覆審叅詳奏請發落沿途羈候夷人候
勘事給事中回還經過之日轉行該管地方差官伴
送赴京一併會審題奉前項

欽依通行外今都御史李昆具奏前因查得陝西行都司原起送土魯番哈密夷人花名文冊共該一百二十二名署員外郎孫繼芳所呈與河南陝西各巡撫都御史咨開拘留過土魯番哈密夷人共一百二十七名今甘肅鎮巡官奏內却開一百二十四名前後總數俱不相同及看今奏內夷人花名與原起送文冊名字對同九十六名不同二十八名又與河南陝西都御史咨內查對名字相同四十七名不同七十七名彼此花名又互相異切詳河南陝西都御史拘留過夷人姓名或託通事人等譯審之時語言不

真字樣近似與甘肅奏到名字致有差拘理或有之
而甘肅鎮巡官今次奏內既稱照案查得原押各起
夷人名數開報前來緣何又與先日起送花名文冊
不同似此起報衙門既已自相矛盾縱使本部奏差
官通前去沿途詳審不過只憑來人供報豈得明白
本部欲候原差給事中御史勘問議處至日方行查
明發遣誠恐展轉耽延遲誤發落緣係夷情萬一真
偽混淆處置失當上壞

國體外啓邊釁誰任其咎及查正德十一年四月內
各夷前來進貢之時俱係都指揮支永公同撫夷千

百戶許釗張英把關千戶劉偉驗放入關若欲事情明白必須前項人員一路挨查前來方得歸一合無本部就令原來奏事人馬上賁文交與巡撫都御史李昆差委原驗夷人都指揮支永量帶官通人等前來沿路挨查要見前項夷人某處拘留若干的係何名緣何與原起送文冊名數不同中間若有逃故冒頂情弊俱見明白與該地方差官一同伴送赴京暫於會同館看守支持候勘事給事中御史查議至日通送法司覆審明白叅詳奏請發落本部仍咨都察院轉行彼處巡按御史會同差去給事中查照本部

節次題奉

欽依內事理上緊逐一譯問明白取具歸一招詞分別情罪輕重議擬停當將情重人犯解京送法司會官一併覆審具奏施行正德十二年十月二十八日具題奉

聖旨是都依擬行欽此

為哨探賊情事

看得巡撫甘肅都御史李崑等奏稱選差通事馬驥等探至哈密東北遇見瓦剌達子他巴等說稱我每去土魯番搶了兩遭今年截防把回子殺子三百多

我每沒有外心只是要把賞賜討些來又至哈密城東擒獲火即哈刺巴失俱哈密人說速壇滿速兒差來伏哨又說要差都督滿刺哈三卜兒罕虎力來通和好不敢來差頭目取速壇拜牙即去了望信不見回來等情各官議得凡刺達子求討賞賜候京運段綯到日量加犒賞其速壇滿速兒悔罪求和之意先後如出一口據事審勢或有可待但夷情諂詐尤當謹備除整兵隄備并将火即等二名監候外具本題知等因查得慶置土魯番哈密夷情先該本部會官議得若土魯番夷犯邊宜當稍戡勦殺若已遠遁照

依成化等年事例開關絕貢不許往來若彼自告願受撫諭則令將忠順王金印送到然後從宜撫處一面具奏定奪及將應行議處事宜請

勅部御史李昆等查照節次題准事理欽遵施行又將瓦剌等項夷人并屬番獲功人員就於運去銀段綸布內支給賞犒前項議擬俱經題奉

欽依通行欽遵外叅詳今奏別無定奪合無本部就令原來奏事人馬上賫文交與李昆等查照前項本部節次題准事理欽遵施行若土魯番敢來犯邊則相機勦殺若已遠遁則閉關絕貢不許往來若或自

告願聽撫諭則從宜撫處具奏定奪毋得任情鹵莽
處置失宜致有乖違咎必有歸正德十二年閏十二
月初五日具題奉

聖旨是恁部裏節次議奏撫處夷人事宜還馬上賫
文與都御史李昆等查照施行欽此

為撫諭遠夷悔過獻還哈密城印遣使進貢事
查得正德十年正月內總督甘肅軍務左都御史彭
澤差人賫致賫物前往土魯番國講和并給鈞帖令
其差人進貢謝恩正德十一年四月內該肅州叅將
陳鎧等將土魯番速壇滿速兒差來貢使火者馬黑

木等送到甘州本年七月初八等日陝西行都司給
批伴送起程本年十一月十六日土魯番犯肅州殺
死芮寧等官軍一千餘員名攻陷城堡殺虜人畜以
數萬計近該給事中黃臣等奏稱土魯番首惡頭目
火者他只丁今赴京進貢弟火者馬黑木阿刺思罕
兒的火者阿里蠻雖哈密之族類為土番之心腹走
透消息壞我邊事火者馬黑木又為寫亦虎仙之婿
亦係逆黨仍當掣送法司明治其罪其餘起送進貢
沿途羈住夷人失黑把息兒等俱該送法司研審中
間如有與速壇滿速兒交通謀逆人犯俱治以罪其

餘別無違犯重情俱合遷發腹裏去處暫為安插候
哈密事寧另為處置切詳火者馬黑木等係都御史
彭澤撫取效順進貢人數土魯番未犯邊之前已起
程赴京其後犯邊似不知情但勘官叅奏情重要行
拿問恐彼一時知覺畏懼生變況火者馬黑木等進
貢雖在未犯邊之前其後肅州地方官軍被土魯番
殘害至極火者馬黑木等雖不知情亦當別有所處
今既譯審名數相同合無將見到館夷人火者馬黑
木等八十四名先送刑部收候同起進貢夷人到館
陸續押送刑部監候同起干問人犯通到查照具奏

會問議處禮部先將各夷進貢方物照例收進各夷原有衣服鋪陳聽其隨帶若有行李貨物本部委官一員會同提督本館主事并大通事舍誠等眼同各夷點驗見數如法封收聽候定奪各夷每日飯食棄處置恐致飢死合無暫准會同館委官一員照常開支應得下程送該部提牢官處分給食用候夷人到齊之日應否革去下程改給囚糧該部徑自議奏定奪正德十二年二月十六日具題奉

聖旨這來貢夷人免送問方物照例收進下程還照常開支欽此

為斬獲犯邊回賊首級追逐遠遯事

看得吏科給事中黃臣巡按監察御史趙春會同查勘肅州啓譽失機事情恭稱鎮守甘肅地方太監許宣總兵官署都督僉事史鏞巡撫右副都御史李昆差人奏事延遲一年之上不行查究責亦難辭肅州失事本內已經叅擬一節查得先該本部議得去魯番為因彭澤等差去官通許送紵絲一千五百疋取回哈密忠順王金印紵絲未曾送去以此啓譽釀成今日之禍原擬行久官查究明白應叅奏者叅奏務使罪人斯得以後使臣不敢生事遠夷懷奸誤

國今各官止叅李昆等差人奏事延遲一年之上不行查究責亦難辭肅州失事本內已經叅擬及查各官奏到肅州失事本見奉

聖旨法司知道本內亦無查叅許賞啓覺情由切緣啟覺失事係緊關應問情由若不查明究治無以示戒將來今臣等查出前項始末緊關畧節情由俱係都御史彭澤并彼處鎮巡官原奏內摘出中間並無添改字樣本部見有原行案卷存照各官原本俱在內府兵科收貯可照查得事內正德九年五月內巡撫都御史趙鑑等奏稱若因逆虜誇張大言乞其所

求有虧。國體本部會官計議亦稱土魯番求討賞賜事出無名不可輕與會推左都御史彭澤請

勅總督軍務量調延綏寧夏固原等處官軍統領前去甘肅等處住劄相機行事務將土魯番夷遏絕不使內侵及將亦卜剌阿尔禿廝殘賊逐勦令其遠遯事寧之日具奏回京及請

勅一道就令甘州差來人員賚至鎮巡官處付本番差來使臣賚去速壇滿速兒收開責其改過自新去逆效順將速壇拜牙郎送回本城住守並無許令彭澤差人講和送與賞賜贖取城印亦無令彭澤差人

賫送

勅書彼有彭澤調取延寧人馬前到甘肅追剿亦卜
刺等賊彼賊因怕北虜小王子讎殺不敢出邊彭澤
失於東路設備致賊奔過河東搶殺洮岷一帶屬番
甚遭荼毒見有巡茶御史王汝舟奏詞可照其賊又
往四川烏思藏搶殺巡撫四川都御史馬昊懼怕擾
動四川地方急奏要調延寧人馬防禦正德十年正
月內彭澤明知欽奉

勅旨及會官議定不許輕與土魯番賞賜及與土魯
番 勅書係正德九年五月內寫給該交付本番差

來使臣賚回不合故違要得僥倖貪功倚逞總督威權鎮巡官該受節制不思出使外國係是重事外夷不可差遣專擅主張自出鈞帖與同欽降

勅諭差甘州火信等五名肅州馬驥等五名同哈密頭目火者馬黑木等一十六名於正德十年正月內方纔賚付起程前往土魯番撫諭講和贖取城印鈞帖內詐說你番文內要賞賜段子誰敢擅自許你却又開說差的通事量帶犒賞措脩羅段冒褐三百疋差火信等賚去又不合口許便是速壇邦牙郎沒有把金印城池與了便是甚麼與你小段子兒甚麼稀

罕等語後滿刺哈三馬回番文稟帖存照正德十年
二月十七日到哈密交與土魯番守城頭目火者他
只丁嫌少各人許說還有賞賜寄在赤斤若把金印
城池獻還了時把賞賜取來交給火者他只丁方將
金印退出交與同差都督滿刺哈三馬亦虎仙暫且
收執火者他只丁同各人將前賞賜并

勅書送去土魯番交割又令馬驥等先回多討賞賜
同赤斤寄放賞賜上緊來土魯番交割限四十日到
彭澤要得回京不思差官送賞講和係出已意事未
了結又不合不候差去官通火信等因還隱情具奏

河西事定乞要放歸休致正德十年三月內奏到本部覆奏奉

聖旨彭澤待處置哈密事情停當行取回京有先巡按陝西今已考察黜退御史燕登原籍真定府人彭澤先任真定府知府之時不知有何交通情弊明知甘肅事未寧息無故具奏乞取彭澤回京委以重大之寄正德十年閏四月內本到本部覆奏將彭澤取回彭澤又不合要得遮掩前非妄奏土魯番王悔過已獻還城印亦卜刺等賊已遠遁要將鎮巡等官各加恩典陰邀已功本官將回懼怕鎮巡等官不與添

賞又不合擅自主張咨行巡撫都御史趙鏐將原收
見在段布等物量為增給交與通事馬驥等齎去土
魯番分給馬驥等前後二次送去土魯番給賞羅段
絹紗綾褐洗白夏布并梭布衣服等件共二千疋件
銀壺一把銀盃一箇銀盞一付俱是彭澤主張送
去見有都御史李昆等奏詞及土魯番速壇滿遜兒
收過數目番文存照彭澤又不合將在前別起

欽賞土魯番直帖木兒獲功各樣織金段絹表裏共
三十四疋又於布四十疋銀六十四兩混同私與物
件交與馬驥等齎去致無輕重分別本年三月初八

日賽打黑麻馬馴馬昇并鴈亦虎仙等賞先與賞賜
起程往土魯番交與速壇滿速兒喜惟接受及說後
差馬驥等取賞便來許將城印退還被火者他只丁
撥置等候取賞到來至本年六月初旬馬驥等取討
賞賜到哈密速壇滿速兒聞知將賽打黑麻等搞宴
差使臣同各國貢使馬駝方物赴京謝

恩復令火者他只丁送回哈密將馬驥等取到賞賜
就令火者馬黑木等隨同牙木蘭所領人馬送去速
壇滿速兒處交收又被火者他只丁勒要折隄子
一百五十疋餘皆聽許本夷方允於本年十一月初

六日方回上督番去訖止取金印回繳又隨到番文
一紙速壇滿速兒說你說我王子金印城池饋了我
每奏

朝廷和番好賞賜討着饋你沒有時他把金印城池
也不饋事也不好又番文一紙都督滿刺哈三通與
總督老爹面前內稱他每又許了得東西饋時平安
無事若不饋照舊壞了等語彼因彭澤已回無人張
主打發延至正德十一年五月內李昆等方奏要請
勅一道與速壇滿速兒火者他只丁一道與把巴义
取忠順王拜牙郎再量給賞賜本部因查彭澤差人

送賞請和事已施行會官計議俯從李昆等所奏請
勅去訖本年六月內速壇滿速兒因見日久許賞未
送領五百人馬復將哈密城奪了火者他只丁牙木
蘭差夷使斬巴思等迺送番文到肅州內說賽打黑
麻馬馴來了討金印哈密討了又許了一千五百段
子去了定了三箇月日子不見來一年了我每依了
你每你每不依我每差了去的人也不放將來王子
惱了差了斬巴思去了定了二十日快些兒打發出
來等語彼有兵備副使陳九疇自合將前斬巴思送
到番文情由作急備奏李昆等會同鎮巡官從長議

處不合自執已見開寫手本大言論說去年火者他
只丁至關外若以逸待勞省漢官軍互相犄角人者
他只丁之頭可懸於馬下因彭澤在甘州曲為撫處
厚加賞賜數被欺凌又說設邊鄙有人委身報國而
被其愚弄如此猶摸稜幹事不能身任利害以主國
是復何面目立於天地間等語又於斬巴思衣服內
搜出番文寄與各夷叙說私情疑有內應外合之謀
要將鎮巡官先請

勅諭捧收在官不必差人往諭若來侵犯以逸待勞
相機剿殺務使痛遭剗一面先將奸夷寫亦虎仙

夷人阿刺思罕兒并書內開載有名之人同火者他
只丁所討先差來伴送貢使回夷虎都六火者散者
兒等并今來夷人斬巴思等俱解鎮城牢固監候
其餘肅州羈住回夷盡數查出嚴加關防并近日速
壇滿速兒差來進貢夷使都指揮火者馬黑木等沿
途拘羈方物封進不必給賞將奸夷籍沒財產家小
發烟瘴地面寄住夷種散處腹裏等因脩行都御史
李昆處彼有李昆不合不審事體重大輒便准行又
不合將前五月內自己奏討曉諭土魯番

勅書一向傳留在鎮不曾奉行致被土魯番速壇滿

速兒怨恨統領與賊殺千餘騎拆牆入境侵犯肅比
投遞番文專以許當不與及拘留夷使為詞有陳九
疇明知前賊未必攻城自合相機行事又不合不行
料探賊衆多寡果如前議大言督發叅遊軍馬迎敵
以致衆寡不敵萬寧所領八百人馬全軍敗沒將存
禮所領人馬損折數多及喪失馬疋盔甲器械無算
有李昆等因前曉諭土魯番請去

勅書傳久未送懼怕事發將陳九疇前項所議與後
殺死萬寧官軍事情俱於正德十二年正月內前後
奏到本部叅看得李昆等未行恪遵

成命果決行事輕捷陳九疇所言以致事機不密等
因覆奏行勘訖隨該巡按御史王光并兵科都給事
中汪玄錫等劾奏甘肅鎮巡等官地方失事要行查
究本部慮恐彼處官司彌縫附會奏差給事中黃臣
會同巡按御史趙春查勘因前項始末文卷俱在彼
處官司收貯未曾送官致無查照叅照先任甘肅總
督軍務今致仕太子太保左都御史彭澤故違

勅旨不遵會議又不知出使外國係是軍事出自

朝廷點差乃敢擅自主張措脩賞物責差通事并平
素與土魯番孰識夷人輕出絕域外國調和求取珍

密忠順王金印邀功生事又分付去人若忠順王速
壇拜牙郎無有但取回金印退出哈密城池我奏
朝廷把你討的都發與你差去人復回取賞彭澤又
擅主張行文增添段絹等物二千余數送去又不候
差去人回處置停當妄奏會同鎮巡等官議得西夷
就降事已寧息欺罔
朝廷已蒙

勅旨待處置停當回京又假御史燕澄具奏致蒙取
回後被巡按御史馮時雍不與會奏指實另奏事未
寧息奏詞見存彭澤自專差人送賞講和因無奉到

朝廷明文不合懷奸不與明文開馬賞物止令差去
人口傳曉諭意欲僥倖成事似常邀功以致差去人
往來傳言事無憑據土魯番得以籍口求索無厭不
遂所欲統領夷衆直犯肅州殺死官軍千數搶虜馬
疋器械無算及將附近屬番城堡攻陷殺虜人畜不
計其數肅州精兵被殺殆盡幾至失守自彭澤差往
甘肅前後糜費錢糧百有餘萬倉庫空竭竟無成功
開啓邊釁辱

國喪師罪坐所由彭澤為首及照兵備副使陳九疇
本以狂生全無遠識彭澤在日未曾救正彭澤回後

大辯譏評惟知講和之為非不思中變之為害據議
拘執夷使因而激變疑有奸夷交通多無指實欲懸
火者他只丁一人之頭於馬下竟陷萬寧等八百人
之命於南門一念差錯貽禍無窮雖稱土魯番回後
設謀追剿效有微勞得不償矢難准贖罪況所報功
績事在夷方勘官未曾親到虛實恐難憑信再照巡
撫都御史李昆行事任情全欠持重既因彭澤講和
奏討

勅賞又因陳九疇辨論拘執夷使停留

勅書阻絕通問土魯番占據哈密挾求賞賜關繫遠

情至重李昆在彼一年有餘坐視曰循持疑兩端釀成大患事雖起於彭澤責難免於李昆查得弘治年間侍郎張海經畧哈密未寧先回蒙

朝廷拏送鎮撫司究問降黜都御史馮續巡撫甘肅達賊搶殺地方失事拏問發隆慶州為民今彭澤等開啓邊釁辱

國喪師比之張海等情犯尤重具今甘肅邊外夷人結成仇怨若不明正各官誤事之罪處置得宜以後守臣不知警戒輕舉妄動貽禍非輕但彭澤已致仕去任應否究治伏乞

聖裁合無將李昆陳九疇俱提解來京送法司明正其罪以警將來其總兵官史鏞等見該給事中黃臣等叅奏另行查議奏請處治遲誤贖奏番文舍人簡榮一年之上未回中間必有情弊合行巡按御史提解都察院審究發落再照彭澤行文措脩賞賜土魯番段絹等物二千餘件未知動支何項官錢買辦亦合行巡按御史吊取原行案卷并拘原置辦經手人役審勘有無侵欺情弊回奏查考具題奉

聖旨這事體重大恁每還會多官議處了來說欽此欽遵臣等會同太傅定國公臣徐光祚等議得肅州

失事委的事體重大鎮巡等官難以辭責巡撫都御史李昆副使陳九疇俱合提問其餘總兵叅將等官具該兵部另行叅提其都御史彭澤雖稱查有前項情由但本官回京後一年半之上方纔肅州失事情有可原合無待候肅州見提人犯到京之日法司會官審問查照彭澤原奉

勅書內事理中間有無干碍另行具奏處治惟復別有定奪正德十三年二月二十九日會題奉

聖旨是彭澤受朝廷重命不能宣揚德意失信夷人又不待事完輒自回京復命以致遺害地方本當治

以重罪姑從輕着為民李昆陳九疇處事乖方着巡按御史提解來京問總兵叅將等官還叅究了來說
欽此

晉書本兵數奏卷六終